



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Rabu, 30 November 2022

1	Peniaga ayam, telur kene kompaun RM534,200
2	-Bekalan telur ayam sukar didapati di ipoh -Pengeluar, pemborong, peruncit ayam dan telur dikompaun RM534,200 - Jangan buat pembelian panik
3	Tiada asas dakwaan bekalan telur pulih
4	142 peniaga naik harga telur, ayam dikompaun
5	Pemain industry tamak punca ayam kurang
6	No chicken feed in fines

DISEDIAKAN OLEH :
SEKSYEN KOMUNIKASI KORPORAT,
JABATAN PERKHIDMATAN VETERINAR MALAYSIA

Peniaga ayam, telur kena kompaun RM534,200

KPDNHEP minta pengguna buat aduan terperinci jika ada peruncit langgar peraturan

Oleh Irwan Shafrizan Ismail
bhnews@bh.com.my

Putrajaya: Kementerian Perdagangan Dalam Negeri dan Hal Ehwal Pengguna (KPDNHEP) mengeluarkan kompaun berjumlah RM534,200 kepada pengeluar, pemborong dan peruncit atas beberapa kesalahan menjual ayam dan telur sejak 5 Februari hingga kelmarin.

Ketua Setiausaha, Datuk Azman Mohd Yusof, berkata kompaun membabitkan 2,205 tanda

kan kes, masing-masing terhadap 13 pengeluar, 54 pemborong dan 2,138 peruncit, yang melakukan tiga kesalahan iaitu menjual ayam dan telur melebihi harga maksimum, tiada tanda harga merah jambu dan tidak meletak tanda harga.

Beliau berkata, nilai sataan pada berjumlah RM336,634.80, iaitu masing-masing RM27,342.30 bagi pemborong dan RM309,292.50 bagi peruncit.

"Seramai 153 peniaga didapati menjual ayam dan telur melebihi harga maksimum; 1,980 gagal mempamerkan tanda harga merah jambu, manakala 72 tidak meletakkan tanda harga.

"Daripada jumlah itu, bagi telur ayam, seramai 22 peniaga didapati menjual melebihi harga maksimum bagi telur gred A, B, dan C; seramai 1,654 peniaga tiada tanda harga merah jambu dan 38 peniaga tidak mempamerkan tanda harga," katanya kepada

media, semalam.

Beliau berkata, sepanjang tempoh itu, sebanyak 142,019 pemeriksaan dilakukan, selain 223 aduan diterima KPDNHEP.

Katanya, kes tertinggi dilaporkan di Perak dengan 272 kes, diikuti Kelantan (270), Kedah (268), Johor (244), Selangor (182), Pahang (174), Sarawak (173), Sabah (148), Negeri Sembilan (117) dan Melaka (102).

Pada masa sama, beliau menasihatkan pengguna membuat aduan terperinci berkenaan tempat dan lokasi jika mendapati peniaga melanggar peraturan dan undang-undang, termasuk antipicatan.

"Kita minta kerjasama daripada semua pihak, berikan data maklumat yang betul, kita tiada masalah tetapi mahu lebih terperinci dan jelas supaya dapat turut dilakukan pemerkasaan di tempat yang diadukan berlaku kekurangan bekalan atau kenai-

kan harga," katanya.

Kelmarin, Pengarah Pengguna Kasa KPDNHEP, Azman Adam, memaklumkan pihaknya tidak menerima sebarang laporan berkaitan penjualan telur ayam diadakan mencecah RM17 satu pa-pang seperti dilaporkan media.

Tiada asas kukuh

Sementara itu, Azman berkata, tiada asas kukuh mengaitkan bekalan telur disorok dan kemudian dilambakkkan dalam pasaran kerana Pilihan Raya Umum Ke-15 (PRU15).

Jelasnya, bekalan telur masih belum stabil sepenuhnya ketika ini, malah tinjauan dan pemeriksaan pihaknya mendapati beberapa negeri masih berdepan masalah bekalan.

Selain itu, Azman berkata, sebelum ini, pengusaha pada peringkat ladang ada membangkitkan isu kos pengeluaran yang tinggi, namun pihaknya tidak

“Tiada asas kukuh mengaitkan bekalan telur disorok dan kemudian dilambakkkan dalam pasaran kerana Pilihan Raya Umum Ke-15 (PRU15).”



Azman
Mohd Yusof,
Ketua Setiausaha
KPDNHEP

nampak masalah kekurangan bekalan berlaku kerana mereka sudah diberi subsidi bagi telur Gred A, B dan C.

"Kita seimbangkan keperluan mereka dengan pemberian subsidi, daripada dua sen kepada lima sen dan sekarang sudah naik sehingga 10 sen," katanya.

Berhubung dakwaan ada telur busuk dan rosak dijual di pasaran, Azman berkata, beliau turut menerima aduan, namun tiada bukti diperoleh selepas pemeriksaan dijalankan.

Tinjauan *Sinar Harian* di beberapa kedai runcit mendapati kebanyakannya masih berdepan kekurangan stok

Oleh NOORAINON MOHAMED YUSOF
IPOH



NOORSYAMIMI



FADZUA

Bekalan telur ayam sukar didapati di Ipoh

Pemborong dan peniaga kedai runcit sekitar bandar raya Ipoh mengaku sudah tidak tahan berdepan dengan masalah kekurangan bekalan telur ayam yang berlalu sejak beberapa bulan lalu.

Tinjauan di beberapa kedai runcit mendapati kebanyakannya masih berdepan kekurangan stok telur ayam segera menyebabkan pelanggannya merungut untuk mendapatkannya.

Harga bagi seapan telur omega dijual pada harga RM18, gred AA (RM16.80), gred A (RM16.30), gred B (RM15.70) dan gred C pula RM15.40.

Perkerja swasta, Fadzua Zainal, 50, mengaku dia sukar mendapatkan telur ayam di sekitar Ipoh sejak dua hari lalu.

"Setiap bulan saya akan mencari seapan telur ayam untuk kegunaan sendiri. Memang susah juga hendak dapat dan pagi ini (Selasa) saya cuba lagi tetapi tidak ada.

"Yang tinggal hanya telur omega tetapi harganya sedikit mahal. Saya cuba cari lagi di beberapa kawasan lain kalau jumpa. Beberapa bulan ini agak sukar juga dapatkan telur ayam," katanya ketika ditemui di Pasar Besar Ipoh di sini pada Selasa.

Peniaga kedai runcit yang mahu dikenali sebagai Kim berkata, permintaan tinggi dan melakukan pembelian panik menjad

faktor bekalan telur berkurangan. Wanita berusia 40 tahun itu berkata, keadaan itu menyebabkan jualan 100 papan telur ayam yang biasa habis dalam tempoh seminggu kini tetap dalam tempoh beberapa hari.

"Bekalan itu ada cuma ia dihantarkan setiap minggu mengikut tempahan. Kami bermula kecil-kecil jadi tempahan telur daripada pembekal tidak banyak.

"Sejak tiga minggu lalu, corek pembelian pelanggan pun berubah. Biasa mereka beli 10 biji sahaja tetapi disebabkan isi bekalan ini, ada yang membeli sehingga dua papan," katanya.

Penjual telur yang mahu dikenali sebagai Angie berkata, isu kekurangan bekalan telur ayam disifatkan paling teruk kerana ia berlalu tanpa ada jalan penyelesaian oleh mana-mana pihak.

Menurutnya, setiap hari dia berperang dengan kemarahan pelanggan yang mahu membeli telur ayam segera.

"Kita menerima bekalan 100 papan telur ayam setiap hari dan dalam tempoh beberapa jam ia sudah habis kerana ada yang ditempat awal oleh pelanggan.

"Tetapi ada sebilangan pelanggan bertindak memarahi serta mendakwa kami simpan stok telur untuk dijual pada harga tinggi. Logiknya, telur tidak boleh disimpan lama dan sudah tidak segar lagi," ujarnya.

Angie bagaimanapun me-



Anak laki Kim menyusun telur ayam yang baru diterima daripada pembekal di Ipoh.

nasihatkan pelanggan untuk tidak mempercayai gambar tular kononnya bekalan telur ayam sudah pulih.

"Semua penjual berhadapan isu yang sama sehingga berusaha lemah untuk terangkan kepada pelanggan dengan keadaan kami dihadapi ini termasuk kenaikan harga," katanya.

Pemborong, Noorsyamimi Suahmi pula berharap kerajaan baharu ini dapat menyelesaikan terlebih dahulu masalah bekalan dan harga telur ayam di peringkat ladang.

"Penyelesaian komprehensif perlu disediakan melibatkan semua yang terlibat dalam rantai perniagaan ini."

"Pemberian subsidi kepada

pengeluar telur ayam yang dilanjutkan sehingga bulan depan juga dilihat tidak efisien kerana sehingga kini itu ini tidak dapat diselesaikan.

"Kami pun terima tidak sam-pai 50 papan telur ayam setiap hari berbanding 300 papan pada Mei lalu," jelasnya.

Tambah Noorsyamimi, pemborong turut berhadapan kekurangan bekalan gula sebulan lalu.

"Sebelum ini kita terima dua tan gula dengan penghantaran tiga kali seminggu dan kali ini menurun kepada 240 kilogram sahaja.

"Kami terpaksa menempah stok gula daripada beberapa pembekal lain," ujarnya.

Pengeluar, pemborong, peruncit ayam dan telur ayam dikompaun RM534,200

PUTRAJAYA - Kementerian Perdagangan Dalam Negeri dan Hal Ehwal Pengguna (KPDNHEP) telah mengeluarkan kompaun berjumlah RM534,200 terhadap 2,205 pengeluar, pemborong dan peruncit ayam serta telur ayam melibatkan pelbagai kesalahan bagi tempoh 5 Februari hingga Isnin lalu.

Ketua Setiausaha KPDNHEP, Datuk Azman Mohd Yusof berkata, kompaun itu dikeluarkan menerusi 2,205 tindakan penguatkuasaan bagi membanteras pencatutan harga barang kawalan bersubsidi dalam tempoh berkenaan.

Beliau berkata, daripada jumlah itu 153 tindakan melibatkan kesalahan menjual melebihi harga maksimum, tidak memperkenan tanda harga merah jambu pada barang kawalan (1,980) dan tidak memperkenan tanda harga (72).

"Tindakan dan kompaun itu dikenakan terhadap 13 pengeluar, 54 pemborong dan 2,138 peruncit bekalan ayam dan telur ayam, dengan nilai sitaan RM336,634," katanya di sini pada Selasa.

Mengenai dakwaan kewujudan kartel telur ayam yang menyorok bekalan itu sebelum dan selepas Pilihan Raya Umum ke-15, Azman menyifatkan ia tuduhan tidak berasas, malah pihaknya tidak menerima sebarang aduan berhubung kegiatan tersebut. - Bernama

Jangan buat pembelian panik

KUALA LUMPUR - Kementerian Perdagangan Dalam Negeri dan Hal Ehwal Pengguna (KPDNHEP) Wilayah Persekutuan Kuala Lumpur (WPKL) menasihatkan pengguna tidak membuat pembelian panik, sebaliknya berbelanja ikut keperluan harian.

Pengarah KPDNHEP WPKL, Ariffin Samsudin berkata, isu kekurangan bekalan telur ayam yang tular di media sosial menyebabkan pengguna khususnya peniaga panik dan membuat pembelian dalam skala besar kerana bimbang terputus bekalan.

Menurutnya, KPDNHEP WPKL tidak menafikan dakwaan itu namun setakat ini pihaknya tidak menerima sebarang aduan rasmi daripada pengguna berhubung isu tersebut.

"Saya nasihatkan pengguna kembali kepada cara hidup lama, kalau biasa makan lima biji (telur)

beli kuantiti itu sahaja dan tak perlu beli secara berlebihan.

"Telur adalah barang cepat rosak, kalau beli hari ini tahan sampai 20 hari sahaja jadi takkan nak simpan lama-lama," katanya ketika membuat pemantauan bekalan telur di sini pada Selasa.

Katanya, KPDNHEP WPKL sentiasa memantau bekalan telur ayam melalui 55 kedai runcit terpilih yang dijadikan petunjuk keberadaan bekalan semasa di seluruh Parlimen Kuala Lumpur.

"Pada 27 November 2022, jumlah bekalan telur ayam yang dilaporkan adalah berjumlah 142,779 biji manakala pada 28 November 2022 pula sebanyak 128,864 biji pelbagai gred.

"Hasil pemantauan mendapati berlaku pengurangan bekalan yang diterima melalui pembekal dan trend pembelian tinggi oleh pengguna," katanya.

Selain itu, beliau berkata, pegawai KPDNHEP WPKL juga sentiasa menjalankan pemantauan secara berkala di lokasi tumpuan seperti pasar awam, pasar tani, pasar raya serta kedai runcit bagi memastikan peniaga mematuhi harga yang ditetapkan.

Katanya, tindakan tegas akan dikenakan terhadap pihak yang melanggar Akta Kawalan Bekalan 1961 (Akta 122) dan (Peraturan- Peraturan Kawalan Bekalan 1974) termasuk aktiviti menyorok, menyimpan atau unsur-unsur sabotaj terhadap bekalan telur ayam.

"Kami mohon kerjasama pihak pasar raya dan peniaga dalam isu bekalan dan harga telur ayam ini.

"Kami tidak akan berkompromi dengan mana-mana pihak yang cuba menjelaskan kehidupan rakyat," ujar beliau.

KPDNHEP memaklumkan, beberapa negeri masih berdepan kekurangan bahan tersebut

Tiada asas dakwaan bekalan telur pulih

Oleh MOHD. HUSNI MOHD. NOOR

PUTRAJAYA – Kementerian Perdagangan Dalam Negeri dan Hal Ehwal Pengguna (KPDNHEP) menyifatkan, dakwaan seseorang pihak mengenai bekalan telur tiba-tiba pulih selepas selesai Pilihan Raya Umum Ke-15 (PRU15) sebagai tidak benar.

Ketua Setiausaha KPDNHEP, Datuk Azman Mohd. Yusof berkata, dakwaan itu tiada asasnya kerana ketika ini, ada beberapa negeri masih berdepan masalah bekalan telur.

Beliau berkata, pihaknya tidak nampak mengapa bekalan bahan berkenaan tidak mencukupi kerana kerajaan sudah memberi subsidi kepada peladang dan pengusaha bagi telur gred A, B dan C.

"Saya difahamkan, pengusaha di peringkat ladang ada membangkitkan isu kos pengeluaran yang semakin meningkat, namun ia sudah diseimbangkan dengan agham subsidi," katanya kepada pemberita selepas menyempurnakan Program 'Sihat Ke Saya' di sini semalam.



BEKALAN telur masih berkurangan dalam satu tinjauan yang dilakukan di sekitar Chow Kit, Kuala Lumpur semalam. — AMIR KHALID

Katanya, pihaknya akan sentiasa berunding dengan pengusaha telur dan tidak menutup pintu

bagi sebarang perbincangan.

Azman menjelaskan, kekurangan bekalan telur juga dikesan

berlaku disebabkan beberapa

faktor seperti keadaan alam sekitar, cuaca tidak menentu serta

penyakit yang mendorong kepada masalah bekalan dan bukan hanya disebabkan kenaikan kos pengeluaran.

Berhubung dakwaan kononnya ada telur busuk dan rosak dijual di pasaran, Azman berkata, beliau turut menerima aduan sama, namun selepas diperiksa, tiada sebarang bukti diperoleh.

"Jika benar ada dakwaan berkaitan, kami akan mengambil tindakan segera berdasarkan peruntukan peraturan dan undang-undang sedia ada."

Susulan kenaikan harga telur di pasaran pula, beliau mahu pengguna melaporkan segera kepada penguat kuasa jika dakwaan itu benar memandangkan telur bagi gred A, B dan C di pasaran terikat pada harga kawalan.

Justeru, beliau mengingatkan pengguna supaya melaporkan aduan secara terperinci dan spesifik supaya tindakan segera boleh diambil.

"Boleh buat aduan, seberapa banyak pun boleh, tetapi kena spesifik kerana kami tidak mempunyai kekuatan untuk memeriksa seluruh kedai," katanya.

TARIKH	MEDIA	RUANGAN	MUKA SURAT
30.11.2022	KOSMO	NEGARA	17

142 peniaga naik harga telur, ayam dikompaun

KUALA TERENGGANU — Seramai 142 peniaga yang menjual ayam dan telur ayam melebihi harga siling telah dikompaun Kementerian Perdagangan Dalam Negeri dan Hal Ehwal Pengguna (KPDNHEP) Terengganu sepanjang tahun ini.

Pengarah KPDNHEP negeri, Saharuddin Mohd. Kia berkata, kesalahan itu dikehaskan sejak pelaksanaan harga maksimum ayam dan telur ayam sejak 5 Februari lalu.

"Kompaun itu melibatkan amaun keseluruhan RM24,500. Penguatkuasaan dilakukan mengikut Akta Kawalan Harga dan Anti Penyatutan 2011.

"Kita akan terus bertegas dengan mana-mana peniaga yang menaikkan harga dua barang makanan keperluan itu termasuk kes terbaru diterima semalam (kelmarin)," katanya di sini semalam.

Kosmo! kelmarin melaporkan, bekalan telur ayam di sekitar daerah ini dan Kuala Nerus kembali stabil, namun harganya kini meningkat sehingga mencécah RM18 sepan bagi telur gred A.

Seorang peniaga dikenali sebagai Yusof, 44, mendakwa, dia mendapat bekalan antara 500 sehingga 600 papan telur ayam daripada pembekal pada Khamis lalu, namun dikenakan caj tambahan.

Dia mendakwa dikenakan caj tambahan iaitu caj penghantaran 2 sen untuk setiap biji telur sehingga memaksanya menaikkan harga jualan untuk semua gred.

Dalam perkembangan sama, Saharuddin berkata, KPDNHEP negeri sentiasa sedaya upaya memastikan kepentingan pengguna terjaga.

Ujar beliau, kerjasama pengguna amat diperlukan bagi memastikan keberkesanan tindakan penguatkuasaan dapat dilakukan.

"Saya mohon sebarang aduan terperinci perlu disalurkan kepada KPDNHEP agar tindakan boleh diambil dengan segera," ujarnya.

Sebarang aduan rasmi boleh disalurkan menerusi aplikasi WhatsApp di talian **019-279 4317** dan **019-848 8000**.

Pemain industri tamak punca ayam kurang

PETALING JAYA: Isu kekurangan ayam dan telur yang masih berlaku di beberapa negeri ketika ini didakwa berpunca daripada sifat tamak pemain-pemain gergasi industri itu yang ‘menunggu’ subsidi tinggi disalurkan kerajaan bagi memperoleh keuntungan berganda hasil suntikan subsidi, serta jualan ayam dan telur di pasaran tempatan dan asing.

Malah, trend percaturan pemain industri bagi ayam dan telur bagi mendesak kerajaan menyalurkan subsidi terbukti berdasarkan rekod pengeluaran ayam dan telur beberapa bulan kebelakangan yang berlaku ‘pasang surut’.

Menurut sumber industri yang terlibat dalam sektor perternakan ayam, meskipun dalam kalangan kartel-kartel ayam dan telur belum kedingaran suara yang mendesak subsidi tambahan, namun modus operandi mereka mengurangkan bekalan terbukti berdasarkan rekod pengeluaran ayam daging pada Julai dan Ogos lalu.

“Dalam soal menuntut subsidi tambahan pada skala besar, setakat ini belum ada lagi permintaan daripada perternak. Tapi, pihak kami ada memanjangkan hasrat kepada kerajaan supaya menaikkan subsidi dalam tempoh tiga bulan.

“Sebab, kami perasan, bila kerajaan beri subsidi dalam tempoh tiga bulan, semua perternak akan berebut-rebut mahu memasukkan anak ayam daging, sebab mereka (perternak) mahukan subsidi ini,” kata sumber.

Sumber yang mewakili perternak wilayah tengah itu berkata, ketika kerajaan pada Julai lalu menyuntik subsidi dalam jumlah besar, jelas kelebihan peningkatan pengeluaran ayam daging.

“Langkah menyuntik subsidi sebagai ‘umpang’ bagi perternak mengeluarkan bekalan, terbukti dengan situasi sebelum ini. Masa Julai dan Ogos, kita dapat kerajaan bagi RM1.20 subsidi bagi setiap sekilogram ayam. Sebab kami berada dalam industri, maka kami pantau selepas sebulan dan mendapati pengeluaran ayam daging memang di puncak.

“Kemudian, subsidi diturunkan kepada 80 sen, dan kita perasan dalam kalangan pemain-pemain industri ayam, pengeluaran berkuranngan semula. Subsidi 80 sen ini sampai sekarang menyebabkan ayam ada tempat semakin mahal,” kata sumber.

Sementara itu, satu sumber lain yang dihubungi berkata, dalam soal telur, tambahan subsidi dibuat oleh kerajaan sebanyak 7 sen pada Oktober, berbanding 3 sen kadar sebelum itu.

Pun begitu kata sumber, tambahan subsidi yang diberikan masih tidak berjaya mendorong pengeluaran telur pada skala optimum.

“Dalam isu telur pula, kerajaan menaikkan subsidi daripada 3 sen, kepada 8 sen campur 2 sen. Maksudnya, daripada 3 sen subsidi dinaihkan kepada 10 sen. Subsidi 3 sen ini sehingga September. Manakala Oktober ke atas, 10 sen.

“Cuma, perternak belum dibayar lagi 10 sen itu. Sebab tak silap saya, semasa kerajaan buat keputusan mahu beri 10 sen, tiba-tiba bubar Parlimen. Jadi, bajet tak turun lagi dari Kementerian Kewangan,” kata sumber.

Kelmarin, *Utusan Malaysia* dan *Kosmo!* melaporkan bekalan telur di beberapa negeri kembali stabil selepas kerajaan perpaduan dibentuk.

No chicken feed in fines

RM534,200 compounds issued to 2,205 chicken and egg sellers

PUTRAJAYA: Compounds worth about half a million Ringgit were slapped on 2,205 producers, wholesalers and retailers of chicken and eggs for various offences since Feb 5, said the Domestic Trade and Consumer Affairs Ministry (KPDNHEP) secretary-general Datuk Azman Mohd Yusof.

Compounds totalling RM534,200 were issued for offences involving the profiteering of subsidised and controlled items committed in 2,205 enforcement actions.

Out of the total, 153 actions involved offences such as selling goods above the maximum price, failing to display pink price tags on controlled items (1,980), and not displaying price tags (72).

The actions and compounds were issued against 13 producers, 54 wholesalers, and 2,138 retailers

"The actions and compounds were issued against 13 producers, 54 wholesalers, and 2,138 retailers of chicken and chicken eggs."

Datuk Azman Mohd Yusof

of chicken and chicken eggs.

"The value of the items confiscated was RM336,634," he told Bernama after officiating the "Sihat Ke Saya?" programme organised by the Association of Wives and Women Civil Servants KPDNHEP branch here yesterday.

Azman also urged consumers to

lodge complaints on supply issues or the price of goods through KPDNHEP's six official channels, namely the Enforcement Command Centre (ECC) at 03-8882 6088/6245 or the 800-886-800 hotline number, or through WhatsApp at 019-279 4317/019-848 8000, the Ez-ADU application, the e-Aduan

portal at <http://e-aduan.kpdnhep.gov.my>, or email eaduan@kpdnhep.gov.my.

He also described allegations about the existence of cartels that hid egg supplies before and after the 15th General Election (GE15) as baseless.

Azman said the ministry did not receive any complaints regarding such activities.

"If it happens, consumers can always lodge a report with us, and the KPDNHEP's Enforcement Division will conduct an investigation," he said.

On the issue of a hike in the prices of eggs in the market, Azman said action could be taken against industry players under the Price Control Act and Anti-Profiteering Act 2011 if they were found to have flouted the law.